



14
1544
39



諸蕃志卷上

宋 趙汝适 撰 綿州 字調元 兩村 校

志國

交趾國

交趾古交州東南薄海接占城西通白衣蠻北抵欽
州歷代置守不絕賦入至薄字 禁甚勞皇朝重武愛
人不欲宿兵瘴癘之區以守無用之土因其獻欵從
而羈縻之王係唐姓服色飲食畧與中國同但男女
皆跣足差異耳每歲正月四日椎牛饗其屬以七月
十五日為大節家相問遺官寮以生口獻其酋十六

諸蕃志卷上

宋 趙汝适 撰 綿州 字調元 村雨 校

志國

交趾國

交趾古交州東南薄海接占城西通白衣蠻北抵欽
州歷代置守不絕賦入至薄守禁甚勞皇朝重武愛
人不欲宿兵瘴癘之區以守無用之土因其獻款從
而羈縻之王係唐姓服色飲食畧與中國同但男女
皆跣足差異耳每歲正月四日椎牛饗其屬以七月
十五日為大節家相問遺官寮以生口獻其酋十六

日開宴醜之歲時供佛不祭先病不服藥夜不燃燈
 樂以蚺蛇皮為前列案此句未詳疑有誤字不能造紙筆求之
 省地案省地二字句未詳土產沉香蓬萊香生金銀鐵朱砂珠
 貝犀象翠羽車渠鹽漆木綿吉貝之屬歲有進貢其
 國不通商以此首題言自近者始也舟行約十餘程
 抵占城國

占城國

占城東海路通廣州西接雲南南至直隸北抵交趾
 通邕州自泉州至本國順風舟行二十餘程其地東
 西七百里南北三千里國都號新州有縣鎮之名

博為城護以石塔王出入乘象或乘軟布兜四人皇
 之頭戴金帽身披瓔珞王每出朝坐輪使女三十人
 持劍盾或捧檳榔從官屬謁見膜拜一而止白事畢
 膜拜一而退婦人拜揖與男子同男女犯姦皆殺盜
 有斬指斷趾之刑戰則五人結甲走則同甲皆坐以
 死唐人被土人殺害追殺償死國人好潔日三五浴
 以腦麝合香塗體又以諸香和焚薰衣四時融暖無
 寒暑候每歲元日率象周行所居之地然後驅逐出
 郭謂之逐邪四月有遊船之戲陳魚而觀之定十一
 月望日為冬至州縣以土產物帛獻于王民間耕種

率用兩牛五穀無麥有秔粟麻豆不產茶亦不識醞
釀之法止飲椰子酒菓實有蓮蔗蕉椰之屬土地所
出象牙箋沉速香黃蠟烏楠木白藤吉貝花布絲綬
布白氎篔孔雀犀角紅鸚鵡等物官監民入山斫香
翰官謂之身丁香如中國身丁鹽稅之類納足聽民
貿易不以錢爲貨惟博米酒及諸食物以此充歲計
若民入山爲虎所噬或水行被鱐魚之厄其家指其
狀請王命國師作法誦呪書符投民死所虎鱐卽
自投赴請命殺之若有欺詐誣害之訟官不能明令
競主同過鱐魚潭其負理者魚卽出食之理直者雖

遇十餘次鱐自遁去買人爲奴婢每 男子鬻金三
兩準香貨酬之商船到其國卽差官摺黑皮爲策書
白字抄物數監盤上岸十取其二外聽交易如有隱
瞞籍没入官番商與賈用腦麝檀香草席傘絹扇
漆器篋器鉛錫酒糖等博易舊州烏麗日麗越異微
芮賓瞳龍烏馬拔弄容蒲羅甘兀亮寶毗齊皆其屬
國也其國前代罕與中國通周顯德中始遣使入貢
皇朝建隆乾德間各貢方物太平興國六年交趾黎
桓上言欲以其國俘九十二人獻于京師太宗令廣
州止其俘存撫之自是貢獻不絕輒以器幣優賜嘉

其嚮慕聖化也國南五七日程至真臘國

賓瞳龍國

賓瞳龍國地主手飾衣服與占城同以葵蓋屋木作柵護歲貢方物於占城今羅漢中有賓頭盧尊者蓋指此地言之賓瞳龍音訛也或云目連舍基尙存雍熙四年同大食國來貢方物

真臘國

真臘接占城之南東至海西至蒲甘南至加羅希自泉州舟行順風月餘日可到其地約方七千餘里國都號祿元天氣無寒其王梳束大槩與占城同出入

儀從則過之間乘輦駕以兩馬或用牛其縣鎮亦與占城無異官民悉編竹覆茅爲屋惟國王鐫石爲室有青石蓮花池沼之勝跨以金橋約三十餘丈殿宇雄壯侈麗特甚王坐五香七寶床施寶帳以紋木爲竿象牙爲壁羣臣入朝先至階下三稽首升階則跪以兩手抱膊遶王環坐議政事訖跪伏而退西南隅銅臺上列銅塔二十有四鎮以八銅象各重四千斤戰象幾二十萬馬多而小奉佛謹嚴日用番女三百餘人舞獻佛飯謂之阿南卽妓弟也其俗淫姦則不問犯盜則有斬手斷足燒火印胷之刑其僧道呪法

靈甚僧衣黃者有室家衣紅者寺居戒律精嚴道士
 以木葉為衣有神曰婆多利祠祭甚謹以右手為淨
 左手為穢取雜肉羹與飯相和用右手掬而食之厥
 土沃壤田無畛域視力所及而耕種之米穀廉平每
 兩烏鉛可博米二斗土產象牙暫速細香粗熟香黃
 蠟翠毛此國最多篤擣腦篤擣瓢番油姜皮金顏香蘇木
 生絲綿布等物番商賈取用金銀瓷器假錦涼傘皮
 鼓酒糖醯醢之屬博易登流眉波斯蘭羅斛三深真
 里富麻羅閩綠洋吞卑富蒲甘窰裏西胡杜懷海番
 百其屬國本國舊與占城鄰好歲貢金兩因事

聖日占城主以舟師率其國都

為大讐誓必復怨慶元口木大舉入占

其主戮其臣僕剽殺幾無唯類更立真臘人為王占
 城今亦為真臘屬國矣唐武德中始通中國國朝宣
 和二年遣使入貢其國南接三佛齊屬國之加羅希

登流眉國

登流眉國在真臘之西地主椎髻簪花肩紅蔽白朝
 日登場初無殿宇飲食以葵菜為椀不施匕筯掬而
 食之有山曰無弄釋迦涅槃示化銅象在焉產白荳
 蔻箋沉速香黃蠟紫礦之屬

蒲甘國

蒲甘國官民皆撮髻於額以色帛繫之但地主別以金冠其國多馬不鞍而騎其俗奉佛尤謹僧皆衣黃地主早朝官僚各持花來獻僧作梵語祝壽以花戴王首餘花歸寺供佛國有諸葛武侯廟皇朝景德元年遣使同三佛齊大食國來貢獲預上元觀燈崇寧五年又入貢

三佛齊國

三佛齊間於真臘闍婆之間管州十有五在泉之正南冬月順風月餘方至凌牙門經商三分之一始入

其國國人多姓蒲累篋爲城周數十里國王出入乘船身纏縵布蓋以絹傘衛以金鏢其人民散居城外或作牌水居鋪板覆茅不輸租賦習水陸戰有所征伐隨時調發立酋長率領皆自備兵器糗糧臨敵敢死伯於諸國無緡錢止繫白金貿易四時之氣多熱少寒豢畜頗類中國有花酒椰子酒檳榔蜜酒皆非麩蘖所醞飲之亦醉國中文字用番書以其王指環爲印亦有中國文字上章表則用焉國法嚴犯姦男女悉寘極刑國王死國人削髮成服其侍人名願殉死積薪烈焰躍入其中名曰同生死有佛名金銀山

佛像以金鑄每國王立先鑄金形以代其軀用金為
 器皿供奉甚嚴其金像器皿各鑄誌示後人勿毀國
 人如有病劇以銀如其身之重施國之窮乏者示可
 緩死俗號其王為龍精不敢穀食惟以沙糊食之否
 則歲旱而穀貴浴以薔薇露用水則有巨浸之患有
 百寶金冠重甚每大朝會惟王能冠之他人莫勝也
 傳禪則集諸子以冠授之能勝之者則嗣舊傳其國
 地而忽裂成穴出牛數萬成羣并突入山人競取

山竹木室其穴遂絕土地產瑇瑁

奇降真香 檀木 寇外有

西薇木梳子 琥珀 藥蘆 會阿 木香 蘇合 檀
 象牙 珊瑚 樹楠 兒睛 琥珀 番布 番劍 等皆大食諸番
 所產 於本國 商興 販用 金銀 義器 錦綾 纈絹 糖
 鐵 酒米 乾良 薑大 黃樟 腦等 物博 易其 國在 海中 扼
 諸番 舟車 往來 之咽喉 古用 鐵線 為限 以備 他盜 操
 縱 有變 若商 舶至 則縱 之上 年寧 謐撤 而不用 堆積
 水次 十人 敬之 如佛 舶至 則祠 焉沃 以油 則光 焰如
 新 鱗魚 不敢 踰為 患若 商舶 過不 入即 出船 合戰 期
 以必 死故 國之 舟輻 湊焉 蓬豐 登牙 儂凌 牙斯 加吉
 蘭 伊羅 安口 羅亭 潛邁 拔查 單馬 令加 羅希 巴林

馮新拖監篋藍無里細蘭皆其屬國也其國自唐天
 祐始通中國皇朝建隆間凡三遣貢淳化三年告為
 闍婆所侵乞降詔諭本國從之咸平六年上言本國
 建佛寺以祝聖壽願賜名及鐘上嘉其意詔以承天
 萬壽為額併以鐘賜焉至景德祥符天禧元佑元豐
 貢使絡繹輒優詔獎慰之其國東接戎牙路

或作重
迦盧

單馬令國

單馬令國地主呼為相公以木作柵為城廣六七尺
 高二丈餘上堪征戰國人乘午打鬃跣屋舍官場
 用木民居用竹障以葉繫以藤土產黃蠟降真香速
 香烏楠木腦子象牙犀角番商用絹傘雨傘荷池纈
 絹酒米鹽糖羹器盆鉢麤重等物及用金銀為盤盃
 博易日囉亭潛邁拔查加囉希類此本國以所得金
 銀器糾集日囉亭等國類聚獻入三佛齊國

凌牙斯國

凌牙斯國自單馬令風帆六晝夜可到亦有陸程地
 主纏縵跣足國人剪髮亦纏縵地產象牙犀角速暫
 香生香腦子番商與販用酒米荷池纈絹羹器等為
 貨各先以此等物準金銀然後打博如酒壹燈準銀
 一兩準金二錢米二燈準銀一兩十燈準金一兩之

類歲貢三佛齊國

佛囉安國

佛囉安國自凌牙斯加四日可到亦可遵陸其國有
飛來佛二尊一有六臂一有四臂賊舟欲入其境必
爲風挽回俗謂佛之靈也佛殿以銅爲瓦飾之以金
每年以六月望日爲佛生日動樂饒鍤迎導甚都番
商亦預焉土產速暫香降真香檀香象牙等番以金
銀鍍鐵漆器酒木糖麥博易歲貢三佛齊其隣蓬豐
登牙儂之吉蘭丹類此

新地國

新地國有港水深六丈行車出入兩岸皆民居亦務
耕種架造屋宇悉用木植覆以櫻欄皮籍以木板障
以藤蓆男女裹體以布纏腰剪髮僅留半寸山產胡
叔粒小而重勝於打板地產東瓜甘蔗匏豆茄菜但
地無正官好行剽掠番商罕至興販

監籠國

監籠國其國當路口船舶多泊此從三佛齊國風帆
半月可到舊屬三佛齊後因爭戰遂自立爲王土產
白錫象牙真珠國人好弓箭殺人多者帶符標榜互
相誇詫五日水路到藍無里國

藍無里國

藍無里國土產蘇木象牙白藤國人好鬪多用藥箭北風二十餘日到南毗管下細蘭國自藍無里風帆將至其國必有電光閃爍知是細蘭也其王黑身而逆毛露頂不衣止纏五色布躡金線紅皮履出騎象或用軟兜曰啖檳榔煉真珠爲灰屋宇悉用貓兒睛及青紅寶珠瑪瑙雜寶粧飾仍用藉地以行東西有二殿各植金樹柯莖皆川金花實并葉則以貓兒睛青紅寶珠等爲之其下置金椅以琉璃爲壁王出朝早升東殿晚升西殿坐處常有寶光蓋日影照射琉

璃與寶樹相映如霞光閃爍然一人常捧金盤從承王所啖檳榔滓從人月輪金一鑑於官庫以所承檳榔滓內有梅花腦并諸寶物也王握寶珠徑五寸火燒不煖夜有光如炬王日用以拭面年九十餘顏如童國八肌膚甚黑以縵纏身露頂跣足以手掬飯器皿用銅有山名細輪疊頂有巨人跡長七尺餘其一在水內去山三百餘里其山林木低昂周環朝拱產貓兒睛紅玻璃腦青紅寶珠地產白荳蔻木蘭皮麝細香番商轉易用檀香丁香腦子金銀器馬象絲帛等爲貨歲進貢于三佛齊

閩婆國

閩婆國又名莆家龍於泉州爲丙巳方率以冬月發船蓋藉北風之便順風晝夜行月餘可到東至海水勢漸低女人國在焉愈東則尾閭之所泄非復人世之海半月至崑崙國南至海三日程泛海五日至大食國西至海四十五日程北至海四日程西北泛海十五日至勃泥國又十日至三佛齊國又七日至古羅國又七日至柴歷亭抵交趾達廣州國有寺二一曰聖佛一名捨身有止出鸚鵡名鸚鵡山其王椎髻戴金鈴衣錦袍躡革履坐方牀官吏口謁三拜而退

出入乘象或暝輿壯士七五百輩執兵以從國人見王皆坐俟其過乃起以王子三人爲副王官有司馬傑落佶連共公國事如中國宰相無月俸隨時量給土產諸物次有文吏三百餘員分主城池帑廩及軍卒其領兵者歲給金二十兩勝兵三萬歲亦給金有左土俗婚聘無外約但納黃金於女家以取之不設刑禁犯罪者隨輕重出黃金以贖惟寇盜則寘諸死五月遊船十月遊山或跨山馬或乘軟兜樂有橫笛鼓板亦能舞山山多猴不畏人呼以霄霄之聲卽出投以果實則有上猴先至土人謂之猴王先食畢羣

猴食其餘國中有竹園有鬪鷄鬪猪之戲屋宇壯麗飾以金碧賈人至者館之賓舍飲食豐潔土人被髮其衣裝纏胷下至於膝疾病不服藥但禱求神佛民有名而無姓尚氣好鬪與三佛齊有讐互相攻擊宋元嘉十二年嘗通中國後絕皇朝淳化三年復脩朝貢之禮其地坦平宜種植產稻麻粟豆無麥耕田用牛民輸十一之租煮海為鹽多魚鼈鷄鴨山羊兼椎馬牛以食果實有大瓜椰子蕉子甘蔗芋出象牙犀角真珠龍腦瑇瑁檀香茴香丁香荳蔻葶澄茄降真香花簞番劍胡椒檳榔硫黃紅花蘇木白鸚鵡亦務

蠶織有雜色綉絲吉貝綾布地不產茶酒出於椰子及蝦蟆丹樹之中此樹華人未曾見或以桃榔檳榔釀成亦自清香蔗糖其色紅白味極甘美以銅銀鍮錫雜鑄為錢錢六十準金一兩三十二準金半兩番商與販用夾雜金銀及金銀器皿五色纈絹皂綾川芎白芷硃砂綠礬白礬鵬砂砒霜漆器鐵鼎青白瓷器交易此番胡椒萃聚商舶利倍蓰之獲往往冒禁潛載銅錢博換朝廷屢行禁止與販番商詭計易其名曰蘇吉丹

蘇吉丹

花園麻東打板禧寧戎牙路東峙打網黃麻駐麻篤
 牛論丹戎武囉底勿平牙夷勿奴孤皆闍婆之屬國
 也打板國東連大闍婆號戎牙路或作重居民架造
 屋宇與中國同其地平坦有港通舟車往來產青鹽
 綿羊鸚鵡之屬番官勇猛與東邊賊國為姻彼以省
 親為名番舶多遭劫掠之患甚至俘人以為奇貨每
 人換金二兩或三兩以此商貨遂絕賊國丹重布囉
 也打網黃麻駐麻篤牛論丹戎武囉底平牙夷勿奴
 孤等國在海島中各有地主用船往來地罕耕種國
 多老樹內產沙糊狀如麥麵土人用水為圓大如綠

荳曬乾入包儲蓄為糧或用魚及肉雜以為羹多嗜
 甘蔗芭蕉搗蔗入藥醞釀為酒又有尾巴樹剖其心
 取其汁亦可為酒土人壯健凶惡色黑而紅裹體文
 身剪髮跣足飲食不用器皿緘樹葉以從事食已則
 棄之民間博易止用沙糊準以升罏不識書計植木
 為棚高二丈餘架屋其上障蓋與新拖同土產檀香
 丁香荳蔻花簞番布鐵劍器械等物內丹戎麻篤武
 囉尤廣袤多蓄兵馬稍知書計土產降真黃蠟細香
 瑋瑁等物丹戎武囉亦有之率不事生業相尚出海
 以舟劫掠故番商罕至焉

南毗國

南毗國在西南之極自三佛齊便風月餘可到國都號衮阿抹唐語曰禮司其主裹體跣足縛頭纏腰皆用白布或著白布窄袖衫出則騎象戴金帽以真珠珍寶雜拖其上臂繫金纏足圈金鍊儀仗有素用孔雀羽爲飾柄拖銀朱凡二十餘人左右翊衛從以番婦擇貌壯奇偉者前後約五百餘人前者舞導皆裹體跣足止用布纏腰後者騎馬無鞍纏腰束髮以真珠爲纓絡以真金爲纏鍊用腦麝雜藥塗體蔽以孔雀毛傘其餘從行官屬以白番布爲袋坐其上名曰

布袋轎以扛昇之扛包以金銀在舞婦之前國多沙地王出先差官一員及兵卒百餘人持水灑地以防颶風播揚飲食精細鼎以百計日一易之有官名翰林供王飲食視其食之多寡每裁納之無使過度或因而致疾則嘗糞之甘苦以療治之國人紫色耳輪垂肩習弓箭善刀稍喜戰鬥征伐皆乘象臨敵以綵纒纏頭事佛尤謹地暖無寒米穀麻豆麥粟芋菜食用皆足價亦廉平鑿雜白銀爲錢鏤官印記民用以貿易土產真珠諸色番布兜羅綿國有淡水江乃諸流湊匯之處江極廣柔旁有山突兀常有星現其上

諸蕃記 卷一 五
秀氣鍾結產爲小石如貓兒睛其色明透埋於山坎
中不時山發溯洪推流官時差人乘小舸採取國人
珍之故臨胡茶辣甘瑟逸弼離沙麻囉華馮牙囉麻
哩抹都奴何啞哩啞囉囉哩皆其屬國也其國最
遠番舶罕到時羅巴智力干父子其種類也今居泉
之城南土產之物本國運至吉囉達弄三佛齊用荷
池纈絹蓑器樟腦大黃黃連丁香腦子檀香荳蔻沉
香爲貨商人就博易焉故臨國自南毗舟行順風五
日可到泉舶四十餘日到藍里住冬至次年再發一
月始達土俗大率與南毗無異土產椰子蘇木酒用

蜜糖和椰子花汁醞成好事弓箭戰鬥臨敵以綵纈
纏髻交易用金銀錢以銀錢十二準金錢之一地暖
無寒每歲自三佛齊監篋吉陀等國發船博易用貨
亦與南毗同大食人多寓其國中每浴畢用鬱金塗
體蓋欲仿佛之金身

胡茶辣國

胡茶辣國管百餘州城有四重國人白淨男女皆穴
耳墜重環着窄衣纏縵布戴白煖耳躡紅皮鞋人禁
葷食有佛宇四千區內約二萬餘妓每日兩次歌獻
佛飯及獻花獻花用吉貝線結縛爲毬日約用三百

斤有戰象四百餘隻兵馬約十萬王出入乘象頂戴冠從者各乘馬持劍土產青碗至多紫礦哥子諸色番布每歲轉運就大食貨賣

麻囉華國

麻囉華國與胡茶辣連接其國管六十餘州有陸路衣服風俗與胡茶辣國同產白布甚多每歲約發牛二千餘隻馳布就陸路往他國博易

注輦國

注輦國西天南印度也東距海五里西至西天竺二千五百里南至羅蘭二千五百里北至頓田三千里自

古不通商水行至泉州約四十一萬一千四百餘里欲往其國當自故臨易舟而行或云蒲甘國亦可往其國有城七重高七尺南北十二里東西七里每城相去百步四城用磚二城用土最中城以木為之皆植花菓雜木第一第二城皆民居環以小濠第三第四城侍郎居之第五城王之四子居之第六城為佛寺百僧居之第七城即王之所居屋四百餘區所統有三十一部落其西十二日只都尼施亞盧尼羅瑟離鼈瑟移布林瑟布尼古檀布林蒲登故里婆輪岑本蹄揭蹄閻黎池离那部尼遮古林亞里者林其南

八日無雅加黎麻藍眉古黎苦低舍里尼蜜多羅摩
伽藍蒲登蒙伽林加藍琶里巷离遊亞林池蒙伽藍
其北十二日撥羅耶無没离江注林加里蒙伽藍漆
結麻藍握折蒙伽藍皮林伽藍蒲稜和藍堡琶來田
注离盧娑囉迷蒙伽藍民有罪命侍郎一員處治之
輕者繫於木格笞五七十至一百重者即斬或以象
踐殺之其宴則王與四侍郎膜拜于階遂共作樂歌
舞不飲酒而食肉俗衣布亦有餅餌掌饌執事用妓
近萬餘家日輸三千輩祇役其嫁娶先用金銀指環
使媒婦至女家後三日會男家親族約以田土生畜

檳榔酒等稱其有無為禮女家復以金銀指環越諾
布及女所服錦衣遺婿若男欲離女則不敢取聘財
女欲却男則倍償之其國賦稅繁重客旅罕到與西
天諸國鬪戰官有戰象六萬皆高七八尺戰時象背
立屋載勇士遠則用箭近則用槊戰勝者象亦賜號
以旌其功國人尚氣輕生或有當王前用短兵格鬪
死而無悔父子兄弟不同釜而爨不共器而食然甚
重義地產眞珠象牙珊瑚玻璃檳榔豆蔻琉璃色絲
布吉貝布獸有山羊黃牛禽有山鷄鸚鵡果有餘甘
藤蘿千年棗椰子甘羅崑崙梅波羅蜜之類花有白

茉莉散絲地臍桑麗秋青黃碧波羅瑤蓮蟬紫水蕉
之類五穀有綠黑豆麥稻地宜竹自昔未嘗朝貢大
中祥符八年其主遣使貢真珠等譯者導其言曰願
以表遠人慕化之意詔閣門祇候史祐之館伴宴錫
恩例同龜茲使適值承天節其使獲預啓聖院祝壽
至熙寧十年又貢方物神宗遣內侍勞問之其餘南
尼華囉等國不啻百餘悉冠以西天之名又有所謂
王舍城者俗傳自交趾之北至大理大理西至王舍
城不過四十程按賈耽皇華西達記云自安南通天
竺是有陸可通其國然達麼之來浮海至番禺豈陸

程迂迴不如海道之迅便歟西天鵬茄囉國都號茶
那咭城圍一百二十里民物好勝專事剽奪以白呀
螺殼磨治爲錢土產寶劍兜羅綿等布或謂佛教始
于此國唐三藏元奘取經曾到西天南尼華囉國城
有三重人早晚浴以鬱金塗體效佛金色多稱婆羅
門以爲佛真子孫屋壁坐席悉塗牛糞相尙以此爲
潔家置壇崇三尺三級而升每晨焚香獻花名爲供
佛大食番至其國則坐之門外館之別室具供帳器
皿婦人犯奸輒殺之官不問土產上等木香細白花
藥布人多食酥酪飯豆菜少食魚肉道通西域西域

忽有輕騎來劫但閉門距之數日乏糧自退

大秦國

大秦國

一名犁軒

西天諸國之都會大食番商所萃之地

也其王號麻囉弗理安都城以帛織出金字纏頭所坐之物則織以絲蜀有城市里巷王所居舍以水精爲柱以石灰代瓦多設簾幃四圍開七門置守者各三十人有他國進貢者拜於堦阼之下祝壽而退其人長大美皙頗類中國故謂之大秦有官曹簿領而文字習胡人皆髻頭而衣文繡亦有白蓋小車旌旗之屬及十里一亭三十里一墩地多獅子遮害行旅

不百人持兵器偕行易爲所食宮室下鑿地道通禮拜堂一里許王少出惟誦經禮佛遇七日卽由地道往禮拜堂拜佛從者五十餘人國人罕識王面若出遊則騎馬用傘馬之頭頂皆飾以金玉珠寶遞年大食國王有號素丹者遣人進貢如國內有警卽令大食措置兵甲撫定所食之物多飯餅肉不飲酒用金銀器以匙挑之食已卽以金盤貯水濯手土產琉璃珊瑚生金花錦縵布紅瑪瑙真珠又出駭鷄犀駭鷄犀卽通天犀也漢延嘉初其國主遣使自日南徼外來獻犀象瑇瑁始通中國所供無他珍異或疑使人

言表志 卷一
隱之晉大康中又來貢或云其國西有弱水流沙近西王母所處幾於日所入也按杜還經行記云拂桑國在苦國西亦名大秦其人顏色紅白男子悉著素衣婦人皆服珠錦好飲酒尙乾餅多工巧善織絡地方千里勝兵萬餘與大食相禦西海中有市客主同和我往則彼去彼來則我歸賣者陳之於前買者酬之於後皆以其直置諸物旁待領直然後收物名曰鬼市

天竺國

天竺國隸大秦國所立國主悉由大秦選擇俗皆辯

髮垂下兩鬢及頂以帛纏頭所居以石灰代瓦有城

郭居民王服錦罽爲螺髻於頂餘髮剪之使短晨出

坐毘皮毘乃獸名用朱蠟飾之畫雜物於其上羣下皆禮

拜祝壽出則騎馬鞍轡皆以烏金銀鬧裝從者三百

人執矛劍之屬妃衣大神鏤金紅衣歲一出多所賑

施國有聖水能止風濤番商用琉璃餅盛貯猝遇海

激波以水灑之則止後魏宣武時嘗遣使獻駿馬云

其國出獅子貂豹橐犀象瑇瑁金銅鐵鉛錫金縷織

成金剝白疊氍毹有石如雲母而色紫裂之則薄如

蟬翼積之則如紗縠有金剛石似紫石英百鍊不銷

可以切玉又有旃檀等香甘蔗石蜜諸果歲與大秦
扶南貿易以齒貝爲貨俗工幻化有弓箭甲稍飛梯
地道及木牛流馬之法而怯於戰鬪善天文算歷之
術皆學悉曇章書以下闕七字以貝多樹葉爲紙唐
貞觀天授中嘗遣使入貢雍熙間有僧囉護哪航海
而至自言天竺國人番商以其胡僧競持金繒珍寶
以施僧一不有買隙地建佛刹于泉之城南今寶林
院是也

大食國

大食在泉之西北去泉州最遠番舶艱於直達自泉

發船四十餘日至藍里博易住冬次年再發順風六
十餘日方至其國本國所產多運載與三佛齊貿易
賈轉販以至中國其國雄壯其地廣袤民俗侈麗甲
於諸番天氣多寒雪厚二三尺故貴氊毯國都號蜜
徐儻或作麻囉拔據諸番衝要王頭纏織錦番布朔望則
戴八面純金平頂冠極天下珍寶皆施其上衣錦衣
繫玉帶躡間金履其居以瑪瑙爲柱以綠甘石之透
明如水
者爲壁以水晶爲瓦以礫石爲墼以活石爲灰帷幕
之屬悉用百花錦其錦以真金線夾五色絲織成檯
榻飾以珠寶堦砌包以純金器皿鼎竈雜用金銀結

真珠爲簾每出朝坐於簾後官有丞相披金甲戴兜
鍪持寶劍擁衛左右餘官曰太尉各領兵馬二萬餘
人馬高七尺用鐵爲鞋士卒驍勇武藝冠倫街闊五
丈餘就中鑿二丈深四尺以備洛馳馬牛馱負物貨
左右鋪砌青黑板尤極精緻以便來往民居屋宇
與中國同但瓦則以薄石爲之民食專仰米穀好嗜
細麪蒸羊貧者食魚菜菓實皆甜無酸取蒲萄汁爲
酒或用糖煮香藥爲思酥酒又用蜜和香藥作眉思
打華酒其酒大煖巨富之家博易金銀以量爲秤市
肆誼譁金銀綾錦之類種種萃聚工匠技術咸精其

能王與官民皆事天有佛名麻霞勿七日一削髮剪
甲歲首清齋念經一月每日五次拜天農民耕種無
水旱之憂有溪澗之水足以灌溉其源不知從出當
農隙時其水止平兩岸及農務將興漸漸汎溢日增
一日差官一員視水候至廣行勸集齊時耕種足用
之後水退如初國有大港深二十餘丈東南瀕海支
流達於諸路港之兩岸皆民居日爲墟市舟車輻湊
麻麥粟豆糖麩油柴鷄羊鵝鴨魚蝦棗圈蒲萄雜菓
皆萃焉土地所出真珠象牙犀角乳香龍涎木香丁
香肉苴蔻安息香蘆薈沒藥血竭阿魏膈臍鵬砂

琉璃玻瓈碑磔珊瑚樹猫兒睛梔子花薔薇水沒石
子黃蠟織金軟錦馳毛布兜羅綿異緞等番商與販
係就三佛齊佛囉安等國轉易麻囉抹施曷奴發啞
四包閑囉施美木俱蘭伽力吉毗喏耶伊祿白達思
蓮白蓮積吉甘眉蒲花羅層拔弼琶囉勿拔襲箇記
施麻嘉弼斯羅吉幾尼勿斯离皆其屬國也其國本
波斯之別種隋大業中有波斯之桀黠者探穴得文
石以爲瑞乃糾合其衆剽略資貨聚徒浸盛遂自立
爲王據有波斯國之西境唐永徽以後屢來朝貢其
王盆尼末換之前謂之白衣大食阿婆羅拔之後謂

之黑衣大食皇朝乾德四年僧行勤游西域因賜其
王書以招懷之開寶元年遣使來朝貢四年同占城
闍婆致禮物于江南李煜煜不敢受遣使上其狀因
詔自今勿以爲獻淳化四年遣副使李亞勿來貢引
對於崇政殿稱其國與大秦國爲鄰土出象牙犀角
太宗問取犀象何法對曰象用象媒誘至漸近以大
繩羈縻之耳犀則使人升大樹操弓矢伺其至射而
殺之其小者不用弓矢亦可捕獲賜以襲衣冠帶仍
賜黃金準其所貢之直雍熙三年同賓曠龍國來朝
咸平六年又遣麻尼等貢真珠乞不給回賜真宗不

欲違其意故其還優加恩禮景德元年其使與三佛
齊蒲甘使同在京師留上元觀燈皆賜錢縱飲四年
偕占城來貢優加館餼許覽寺觀苑囿大中祥符車
駕東封其主隋婆離上言願執方物赴泰山從之四
年祀汾陰又來詔令陪位舊傳廣州言大食國人無
西忽盧華百三十歲耳有重輪貌甚偉異自言遠慕
皇化附古邏國船舶而來詔賜錦袍銀帶加束帛元
祐開禧間各遣使入貢有番商曰施那幃大食人也
躋寓泉南輕財樂施有西土氣習作叢塚於城外之
東南隅以掩胡賈之遺骸提舶林之奇記其實

麻嘉國

麻嘉國自麻囉拔國西去陸行八十餘程方到乃佛
麻霞勿所生之處佛居用五色玉瓖成每歲遇佛忌
辰大食諸國皆至瞻禮爭持金銀珍寶以施仍用錦
綺覆其居後有佛墓晝夜常有霞光人莫能近過則
合眼若人臨命終時摸取墓上土塗胷云可乘佛力
超生

層拔國

層拔國在胡茶辣國南海島中西接大山其人民皆
大食種落遵大食教度纏青番布躡紅皮鞋日食飯

麩燒餅羊肉鄉村山林多障岫層疊地氣暖無寒產象牙生金龍涎黃檀香每歲胡茶辣國及大食邊海等處發船販易以白布鍬器赤銅紅吉貝爲貨

彌琶囉國

彌琶囉國有四州餘皆村落各以豪強相尙事天不事佛土多駱駝綿羊以駱駝肉并乳及燒餅爲常饌產龍涎大象牙及大犀角象牙有重百餘斤犀角重十餘斤亦多木香蘇合香油沒藥瑋瑁至厚他國悉就販焉又產物名駱駝鶴身頂長六七尺有翼能飛但不甚高獸名徂蠟狀如駱駝而大如牛色黃前脚高五尺後低三尺頭高向上皮厚一寸又有騾子紅白黑三色相間紋如經帶皆山野之獸往往駱駝之別種也國人好獵時以藥箭取之

勿拔國

勿拔國邊海有陸道可到大食王紫棠色纏頭衣衫遵大食教度爲事

中理國

中理國人露頭跣足纏布不敢着衫惟宰相及王之左右乃着衫纏頭以別王居用磚甃磑砌民屋用葵茆苫蓋日食燒麩餅羊乳駱駝乳牛羊駱駝甚多大

食惟此國出乳香人多妖術能變身作禽獸或水族形驚眩愚俗番舶轉販或有怨隙作法咀之其船進退不可知與勸解方爲釋放其國禁之甚嚴每歲有飛禽泊郊外不計其數日出則絕不見其影國人張羅取食之其味極佳惟暮春有之交夏而絕至來歲復然國人死棺殮畢欲殯凡遠近親戚慰問各舞劍而入噉問孝主死故若人殺死我等當刃殺之報仇孝主答以非人殺之自係天命乃投劍慟哭每歲常有大魚死飄近岸身長十餘丈徑高二丈餘國人不食其肉惟剝取腦髓及眼睛爲油多者至二百餘塔

和灰修船舶或用點燈民之貧者取其肋骨作屋桁脊骨作門扇截其骨節爲日國有山與弼琶囉國隔界周圍四千里大半無人煙山出血碣蘆薈水出瑋瑁龍涎其龍涎不知所出忽見成塊或三五斤或十斤飄泊岸下土人競分之或船在海中驀見採得

夔蠻國

夔蠻國人物如勿拔國地主纏頭繳縵不衣跣足奴僕則露首跣足繳縵蔽體食燒麩餅羊肉并乳魚菜土產千年棗甚多沿海出真珠山畜牧馬極蕃庶他國貿販惟買馬與真珠及千年棗用丁香荳蔻腦子

等爲貨

記施國

記施國在海嶼中望見大食半日可到管州不多王
出入騎馬張皂傘從者百餘人國人白淨身長八尺
披髮打纏纏長八尺半纏于頭半垂於背衣番衫繖
縵布躡紅皮鞋用金銀錢食麩餅羊魚干年棗不食
米飯土產眞珠好馬大食歲遣駱駝負薔薇水梔子
花水銀白銅生銀朱砂紫草細布等下船至本國販
於他國

白達國

白達國係大食諸國之一都會自麻囉拔國約陸行
一百三十餘程過五十餘州乃到國極强大軍馬器
甲甚盛王乃佛麻霞勿直下子孫相襲傳位至今二
十九代經六七百年大食諸國或用兵相侵皆不敢
犯其境王出張皂蓋金柄其頂有玉師子背負一大
金月閃耀如星雖遠可見城市衢陌民居豪侈多寶
物珍段少米魚菜人食餅肉酥酪產金銀碾花上等
琉璃白越諾布蘇合油國人相尚以好雪布纏頭及
爲衣服七日一次削髮剪爪甲一日五次禮拜天遵
大食教度以佛之子孫故諸國歸敬焉

彌斯羅國

彌斯羅國地主出入騎從千餘人盡帶鐵甲將官帶連環鎖子甲聽白達節制人食燒麵餅羊肉天時寒暑稍正但無朔望產駱駝綿羊千年棗每歲記施甕蠻國常至其國般販

吉慈尼國

吉慈尼國自麻羅拔國約一百二十程可到地近西北極寒冬雪至春不消國有大山圍遶鑿山爲城方二百餘里外環以水有禮拜堂二百餘官民皆越堂禮拜謂之廚或作除懷民多豪富居樓閣至有五七層

者多畜牧馳馬人食餅肉乳酪小魚米或欲飲飯以牛渾拌水飲之王手臂過膝有戰馬百匹各高六尺餘騾數十匹亦高三尺出則更迭乘之所射弓數石五七人力不能挽馬上使鐵鎚重五十餘斤大食及西天諸國皆畏焉土產金銀越諾布金絲綿五色馳毛段碾花琉璃蘇合油無名異摩娑石

勿斯離國

勿斯離國其地多石山秋露沆瀣日曬卽凝狀如糖霜採而食之清涼甘腴蓋真甘露也山有天生樹一歲生粟名蒲蘆次歲生沒石子地產火浣布珊瑚

蘆眉國

蘆眉國自麻囉拔西陸行三百餘程始到亦名眉路骨國其城屈曲七重用黑光大石甃就每城相去千步有番塔三百餘內一塔高八十丈容四馬並驅而上內有三百六十房人皆纏頭鬘項以色毛段為衣以肉麵為食以金銀為錢有四萬戶織錦為業地產絞綃金字越諾布間金間絲織錦綺摩娑石無名異薔薇水梔子花蘇合油鵬砂及上等碾花琉璃八家好畜駝馬犬

木蘭皮國

木蘭皮國大食國西有巨海海之西有國不可勝數大食巨艦所可至者木蘭皮國爾自大食之陔盤地國發舟正西涉海百餘日方至其國一舟可容數千人舟中有酒食肆機杼之屬言舟之大者莫木蘭皮若也國之所產極異麥粒長三寸瓜圍六尺可食二十三人榴重五斤桃重二斤香圓重二十餘斤萵苣菜每莖可重十餘斤其葉長三四尺米麥開地窖藏之數十年不壞產胡羊高數尺尾大如扇春剖腹取脂數十斤再縫合而活不取則發臙脹死陸行二百程日晷長三時秋月西風忽起人獸速就水飲乃生

稍遲則渴死

勿斯里國

勿斯里國屬白達國節制國王白哲打纏頭着番衫穿皂靴出入乘馬前有看馬三百匹鞍轡盡飾以金寶有虎十頭縻以鐵索伏虎者百人弄鐵索者五十人持搗棒者一百人臂鷹者三十人又千騎圍護有親奴三百各帶甲持劍二人持御器械導王前其後有百騎鳴鼓儀從甚都國人惟食餅肉不食飯其國多旱管下一十六州周回六十餘程有雨則人民耕種反爲之漂壞有江水極清甘莫知水源所出歲旱

諸國江水皆消滅惟此水如常田疇充足農民藉以耕種歲率如此人至有七八十歲不識雨者舊傳蒲囉吽第三代孫名十宿曾據此國爲其無雨恐有旱乾之患遂於近江擇地置三百六十鄉村村皆種麥遞年供國人日食每村供一日三百六十村可足一年之食又有州名憩野傍近此江兩年或三年必有一老人自江水中出頭髮黑短鬚鬢皓白坐於水中石上惟現半身掬水洗面別甲國人見之知其爲異近前拜問今歲人民吉凶如其人不語若笑則其年豐稔民無札瘥若蹙額則是年或次年必有凶歉疾

疫坐良久復沒不見江中有水駱馳水馬時登岸齧
草見人則沒入水

過根陀國

過根陀國勿斯里之屬也相傳古人異人徂葛尼於
瀕海建大塔下鑿地爲兩屋博結甚密一窖糧食一
儲器械塔高二百丈可通四馬齊驅而上至三分之
二塔心開大井結渠透大江以防他國兵侵則舉國
據塔以拒敵上下可容二萬人內居守而外出戰其
頂上有鏡極大他國或有兵船侵犯鏡先照見卽預
備守禦之計近年爲外國人投塔下執役掃洒數年
人不疑之忽一日得便盜鏡拋沉海中而去

海上雜國

晏陀蠻國自藍無里去細蘭國如風不順飄至一所
地名晏陀蠻海中有一大嶼內有兩山一大一小其
小山全無人煙其大山周圍七十里山中之人身如
黑漆能生食人船人不敢艤岸山內無寸鐵皆以碑
磔蚌殼磨銛爲刃上有聖跡渾金床承一死人經代
不朽常有巨蛇衛護蛇身毛長二尺人不敢近有井
每歲兩次水溢流入於海所過砂石經此水浸皆成
金闔山人常祭此井如銅鉛鐵錫用火燒紅取此水

沃之輒變成金舊傳曾有商舶壞船人扶竹木隨流
飄至此山知有聖水潛以竹筒盛滿乘木筏隨浪飄
漾至南毗國以水獻南毗國王試之果驗南毗王遂
興兵謀奄有其山船未至間遭惡風飄回船人漂至
山盡爲山蠻所食蓋此山有金床異人密有神護不
令人近也

崑崙層期國在西南海上連接大海島常有 大鵬飛
蔽日移晷有野駱駝大鵬遇則吞之或拾鵬翅截其
管可作水桶土產大象象牙犀角西有海島多野人身
如黑漆蚪髮誘以食而擒之轉賣與大食國爲奴獲
價甚厚託以管鑰謂其無親屬之戀也

沙華公國其人多出大海劫奪得人縛而賣之閩婆
又東南有野島蠻賊居之號麻囉奴商舶飄至其國
羣起擒人以巨竹夾燒而食之其賊首鑽齒皆以黃
金裝飾取人腦蓋爲飲食器其島愈深其賊愈甚
又東南有女人國水常東流數年水一泛漲或流出
連肉長尺餘桃核長二尺人得之則以獻于女王昔
常有船舶飄落其國羣女携以歸數日無不死有一
智者夜盜船亡命得去遂傳其事其國女人遇南風
盛發裸而感風卽生女也西海亦有女國其地五男

三女以女爲國王婦人爲吏職男子爲軍士女子貴則多有侍男男子不得有侍女生子從母姓氣候多寒以射獵爲業出與大秦天竺博易其利數倍波斯國在西南國上其人肌理甚黑鬢髮皆蚪以青花布纏身以兩金串鈴手無城郭其王早朝以虎皮蒙机疊足坐羣下膜拜而退出則乘軟兜或騎象從者百餘人執劍呵護食餅肉飯盛以羹器掬而啗之茶弼沙國城方一千餘里王著戰袍縛金帶頂金冠穿皂靴婦人著真珠衫土產金寶極多人民住屋有七層每一層乃一人家其國光明係太陽没入之地至晚日入其聲極震洪於雷霆每於城門用千人吹角鳴鑼擊鼓雜混日聲不然則孕婦及小兒聞日聲驚死

斯加里野國近蘆眉國界海嶼濶一千里衣服風俗語音與蘆眉同本國有山穴至深四季出火遠望則朝煙暮火近觀則火勢烈甚國人相與扛昇大石重五百斤或一千斤拋擲穴中須臾爆出碎如浮石每五年一次火從石出流轉至海邊復回所過林木皆不燃燒遇石則焚蕪如灰

默伽獵國王逐日誦經拜天打纏頭着毛毳番衫穿

紅皮鞋教度與大食國一同王每出入乘馬以大食佛經用一函乘在駱駝背前行管下五百餘州各有城市有兵百萬出入皆乘馬人民食餅肉有麥無米牛羊駱駝菓實之屬甚多海水深二十丈產珊瑚樹

渤泥國

渤泥在泉之東南去闍婆四十五日程去三佛齊四十日程去占城與麻逸各三十日程皆以順風爲則其國以板爲城城中居民萬餘人所統十四州王居覆以貝多葉民舍覆以草王之服色略倣中國若裸體跣足則臂佩金圈手帶金練以布纏身坐繩床出

則施大布單坐其上衆舁之名曰軟囊從者五百餘人前持刀劔器械後捧金盤貯香腦檳榔等從以戰船百餘隻爲衛戰鬪則持刀披甲甲以銅鑄狀若大筒穿之於身護其腹背器皿多用金地無麥有麻稻以沙糊爲糧

沙糊詳見黃麻註

又有羊及雞魚無絲蠶用吉

背花織成布有尾巴樹加蒙樹椰子樹以樹心取汁爲酒富室之婦女皆以花錦銷金色帛纏腰婚聘先以酒檳榔次之指環又次之然後以吉貝布或量出金銀成禮喪葬有棺歛以竹爲輦載棄山中二月始耕則祀之凡七年則不復祀矣以十二月七日爲歲

言著志 卷上
節地多熟國人宴會鳴鼓吹笛擊鉢歌舞爲樂無器
皿以竹編貝多葉爲器食畢則棄之其國鄰於底門
國有藥樹取其根煎爲膏服之仍塗其體兵刃所傷
皆不死土地所出梅花腦速腦金脚腦米腦黃蠟降
真香瑋瑁番商輿販用貨金貨銀假錦建陽錦五色
絹五色茸琉璃珠琉璃瓶子白錫烏鉛網墜牙臂環
臙脂漆椀櫟青篋器等博易番舶抵岸三日其王與
眷屬率大人王之左右到船問勞船人用錦藉跳板
迎肅欵以酒醴用金銀器皿祿蓆涼傘等分獻有差
既泊舟登岸皆未及博易之事商賈日以中國飲食

獻其王故舟往佛泥必挾善庖者一二輩與俱胡望
並請賀禮幾月餘方請其王與大人論定物價價定
然後鳴鼓以召遠近之人聽其貿易價未定而私貿
易者罰俗重商賈有罪抵死者罰而不殺船回日其
王亦醜酒椎牛祖席酢以腦子番布等稱其所施舶
舟雖貿易迄事必候六月望日排辨佛節然後出港
否則有風濤之厄佛無他像茅舍數層規制如塔下
置小龕罩珠二顆是謂聖佛土人云二珠其初猶小
今漸大如拊指矣遇佛節其王親供花菓者三日國
中男女皆至太平興國二年遣使蒲亞利等貢腦子

瑋瑁象牙檀香其表緘封數重紙類木皮而薄瑩滑
色微絳長數尺博寸餘卷之僅可盈握其字細小橫
讀之譯以華言云渤泥國王向打稽首拜皇命萬歲
萬歲萬萬歲又言每年修貢易飄泊占城乞詔占城
今後勿留館其使於禮賓院優遣之元豐五年又遣
使來貢 西龍宮什廟日麗胡蘆蔓頭蘇勿里馬膽
逾馬喏居海島中用小船來往服色飲食與渤泥同
出生香降真香黃蠟瑋瑁商人以白瓷器酒米粗鹽
白絹貨金易之

麻逸國

麻逸國在渤泥之北圍聚千餘家夾溪而居士人披
布如被或腰布蔽體有銅佛像散布草野不知所自
盜少至其境商舶入港駐於官場前官場者其國闌
闌之所也登舟與之雜處酋長日用白傘故商人必
賁以爲贖交易之例蠻賈叢至隨篋箠搬取物貨而
去初若不可曉徐辨認搬貨之人亦無遺失蠻賈迺
以其貨轉入他島嶼貿易率至八九月始歸以其所
得準償船商亦有過期不歸者故販麻逸船回最晚
三嶼白蒲延蒲里嚙里銀東流新里漢等皆其屬也
土產黃蠟吉貝真珠瑋瑁藥檳榔干達布商人用蠶

諸蕃志 卷上
器貨金鐵鼎烏鉛五色琉璃珠鐵針等博易

三嶼

三嶼乃麻逸之屬曰加麻延巴姥西巴吉弄等各有種落散居島嶼船舶至則出而貿易總謂之三嶼其風俗大畧與麻逸同每聚落各約千餘家地多崇岡疊嶂峭拔如壁憑高依險編茅爲屋山無水源婦女以首紮擎二三瓊取水於溪登陟如履平地窮谷別有種落號海膽人形而小眼圓而黃虬髮露齒巢於木顛或三五爲羣踰伏榛莽以暗箭射人多罹其害投以蕤椀則俯拾忻然跳呼而去番商每抵一聚落

未敢登岸先駐舟中流鳴鼓以招之蠻賈爭棹小舟持吉貝黃蠟番布椰心篔等至與貿易如議之價未決必賈豪自至說諭餽以絹傘蕤器籐籠仍留一二輩爲質然後登岸互市交易畢則返其質停舟不過三四日又轉而之他諸蠻之居環繞三嶼不相統屬其山倚東北隅南風時至激水衝山波濤迅駛不可泊舟故販三嶼者率四五月間卽理歸棹博易用蕤器皂綾纈絹五色燒珠鉛網墜白錫爲貨蒲哩嚙與三嶼聯屬聚落差盛人多猛悍好攻劫海多鹵股之石槎牙如枯木芒刃鋸於劍戟舟過其側預曲折以

避之產青琅玕珊瑚樹然絕難得風俗博易與三嶼同

流求國

流求國當泉州之東舟行約五六日程王姓歡斯土人呼爲可老王所居曰波羅檀洞塹柵三重環以流水植棘爲藩殿宇多彫刻禽獸男女皆以白紵繩纏髮從頭後盤繞及以雜紵雜毛爲衣製裁不一織藤爲笠飾以羽毛兵有刀稍弓箭劍鼓之屬編熊豹皮爲甲所乘之車刻獸爲像導從僅數十人無賦斂有事則均稅不知節朔月盈虧以紀時父子同床而

寢曝海水爲鹽釀米麴爲酒遇異味先進尊者肉有熊羆豺狼尤多猪鷄無牛羊驢馬厥土沃壤先用火燒然後引水灌注持鋪僅數寸而墾之無他奇貨尤好剽掠故商賈不通土人間以所產黃蠟土金鼈尾豹脯往售於三嶼旁有毗舍耶談馬顏等國

毗舍耶

毗舍耶語言不通商販不及袒裸盱眙殆畜類也泉有海島曰澎湖隸晉江縣與其國密邇煙火相望時至寇掠其來不測多罹生噉之害居民苦之淳熙間國之酋豪常率數百輩猝至泉之水灣圍頭等村恣

行兇暴戾人無數淫其婦女已而殺之喜鐵器及匙
筋人閉戶則免但剗其門圈而去擲以匙筋則俯拾
之可緩數步官軍擒捕見鐵騎則競剗其甲駢首就
戮而不知悔臨敵用標鎗繫繩十餘丈爲操縱蓋愛
其鐵不忍棄也不駕舟楫惟以竹筏從事可摺疊如
屏風急則羣舁之泅水而遁

新羅國

新羅國弁韓遺種也其國與泉之海門對峙俗忌陰
陽家子午之說故興販必先至四明而後再發或曰
泉之水勢漸低故必經由四明有大族曰金氏朴氏

唐武德中封真金爲樂浪郡王其後常爲君長開耀
中遣使乞唐禮及他文從之屋宇器用服飾官屬略
倣中國其治峻法以繩下故少犯道不拾遺婚聚不
用幣人知書喜學廝役之家亦相矜勉里有庠扁曰
局堂處子弟之未婚者習書射於其中三歲一試舉
人有進士筭學諸科故號君子國地宜粳稻有橐駝
水牛不用錢第以米博易民家器皿悉銅爲之樂有
二品曰庫樂曰鄉樂開元中嘗遣邢璣爲弔使五代
同光長興中各遣使修朝貢禮皇朝建隆二年遣使
來貢興國二年又貢其國信陰陽鬼神之事多拘忌

諸蕃志 卷上
中國使至必涓吉而后具禮受詔每受詔亦爲謝表
粗有文采地出人參水銀麝香松子榛子石決明松
塔子防風白附子茯苓大小布毛施布銅磬瓷器草
蓆鼠毛筆等商船用五色纈絹及建本文字博易

倭國

倭國在泉之東北今號日本國以其國近日出故名
或曰惡舊名改之國方數千里西南至海東北限以
大山山外卽毛人國凡五畿七道三島三千七百七
十二鄉四百一十四驛八十八萬三千餘丁地多山
林無良田嗜海錯俗多文身自謂秦伯之後又言上

古使至中國皆自稱大夫昔夏少康之子封於會稽
斷髮文身以避蛟龍之害今倭人沉沒取魚亦文身
以厭水族計其道里在會稽之正東寒暑大類中國
王以王爲姓歷七十餘世不易文武皆世官男子衣
橫幅結束相連不施縫綴婦人衣如單被穿其中以
貫頭一衣率用二三縑皆被髮跣足亦有中國典籍
如五經白樂天文集之類皆自中國得之士宜五穀
而少麥交易用銅錢以乾文大寶爲文有水牛驢羊
犀象之屬亦有金銀細絹花布多產杉木羅木長至
十四五丈徑四尺餘土人解爲枋板以巨艦搬運至

吾泉貿易泉人罕至其國樂有中國高麗二部刀楯
弓矢以鐵爲鏃挽射矢不能遠詰其故以其國中不
習戰鬥有屋宇父母兄弟臥息異處飲食用俎豆嫁
娶不持錢帛死有棺無槨封土爲塚初喪哭泣不食
肉已葬舉家入水潔浴以祓不祥舉大事則灼骨以
占吉凶不知正歲四時但計秋收之時以爲年紀人
多壽率八九十歲婦女不淫不妬無爭訟或罹于罪
重者族滅輕者沒其妻孥以金銀爲貢賦卽其地之
東粵州及別島所產也其國自後漢嘗通中國歷魏
晉宋隋唐並遣使修朝貢國朝雍熙元年國僧齋然
與其徒五六人浮海至以銅器十餘事獻極精緻太
宗召見館於太平興國寺賜紫衣方袍撫之甚厚聞
其王一姓傳繼臣下皆世官因歎息謂宰臣宋琪李
昉曰此島夷爾乃世祚遐久其臣亦繼襲不絕此古
之道也夫以一島夷而動太宗之歎息豈秦伯用夏
變夷之遺風猶有存者歟

諸蕃志卷下

宋 趙汝适 撰 綿州 李調元

村 校

志物

腦子

腦子出渤泥國一作佛尼又出賓宰國世謂三佛亦有之非也但其國據諸蕃來往之要津遂截斷諸國之物聚於其國以埃蕃舶貿易耳腦之樹如杉生於深山窮谷中經千百年支幹不會損動則贖有之否則腦隨氣泄土人入山採腦須數十為羣以木皮為衣賣沙糊為糧分路而去遇腦樹則以斧斫記至十餘

言者示
一
株然後截段均分各以所得解作板段隨其板傍橫裂而成縫腦出於縫中劈而取之其成片者謂之梅花腦以狀似梅花也次謂之金脚腦其碎者謂之米腦碎與木屑相雜者謂之蒼腦取腦已淨其杉片謂之腦札今人碎之與鋸屑相和置瓷氣中以器覆之封固其縫煨以熱灰氣蒸結而成塊謂之聚腦可作婦人花環等用又有一種如油者謂之腦油其氣勁而烈祇可浸香合油

乳香

乳香一名薰陸香出大食之麻囉拔施曷奴發三國深山窮谷中其樹大槩類榕以斧斫株脂溢於外結而成香聚而成塊以象輦之至于大食大食以舟載易他貨于三佛齊故香常聚于三佛齊番商貿易至舶司視香之多少爲殿最而香之爲品十有三其最上者爲揀香圓大如指頭俗所謂滴乳是也次日餅乳其色亞於揀香又次日餅香言收時貴重之置於餅中餅香之中又有上中下三等之別又次日袋香言收時止置袋中其品亦有三如餅香焉又次日乳榻蓋香之雜於砂石者也又次日黑榻蓋香色之黑者也又次日水濕黑榻蓋香在舟中爲水所浸漬而

言著志 卷一
氣變色敗者也品雜而碎者曰斫削簸揚爲塵者曰
纏末皆乳香之別也香出大穴曰黑樹蓋香也之黑
沒藥出大食麻囉抹國其樹高去如中國之松皮厚
一二寸採時先掘樹下爲坎用斧伐其皮脂溢於坎
中旬餘方取之
血竭亦出大食國其樹畧與沒藥同但葉差大耳採
取亦如之有瑩如鏡面者乃樹老脂自流溢不犯斧
鑿此爲上品其夾插柴屑香乃降真香之脂俗號假

血竭

金顏香

金顏香正出真臘大食次之所謂三佛齊有此香者
特自大食販運至三佛齊而商人又自三佛齊轉販
入中國耳其香乃木之脂有淡黃色者有黑色者拗
開雪白爲佳有砂石爲下其氣勁工於聚衆香今之
爲龍涎軟香佩帶者多用之番人亦以和香而塗其
身

篤耨香

篤耨香出真臘國其香樹脂也其樹狀如杉檜之類

而香藏於皮樹老而自然流溢者色白而瑩故其香
雖盛暑不融名曰篤耨至夏月以火環其株而炙之
令其脂液再溢冬月因其凝而取之故其香夏融而
冬凝名黑篤耨土人盛之以瓢舟人易之以瓷器香
之味清而長黑者易融滲漉於瓢碎瓢而焚之亦得
其髣髴今所謂篤耨瓢是也

蘇合香油

蘇合香油出大食國氣味大抵類篤耨以濃而無滓
為上番人多用以塗身閩人患大風者亦倣之可
合軟香及入醫用

安息香

安息香出三佛齊國其香迺樹之脂也其形色類核
桃瓢而不宜於燒然能發眾香故人取之以和香焉
通典敘西戎有安息國後周天和隋大業中曾朝貢
恐以此得名而轉貨於三佛齊

梔子花

梔子花出大食啞巴閑囉施美二國狀如中國之紅
花其色淺紫其香清越而有醞藉土人採花曬乾藏
之琉璃餅中花赤希有即佛書所謂簷蔔是也

薔薇水

薔薇水大食國花露也五代時番使蒲訶散以十五餅效貢厥後罕有至者今多採花浸水蒸取其液以代焉其水多偽雜以琉璃餅試之翻搖數四其泡周上下者爲真其花與中國薔薇不同

沉香

沉香所出非一真臘爲上占城次之三佛齊闍婆等爲下俗分諸國爲上下岸以真臘占城爲上岸大食三佛齊闍婆爲下岸香之大槩生結者爲上熟脫者次之堅黑者爲上黃者次之然諸沉之形多異而名亦不一有如犀角者謂之西角沉如燕口者謂燕口

沉如附子者謂之附子沉如梭者謂之梭沉文堅而理緻者謂之橫隔沉大抵以所產氣味爲高下不以形體爲優劣世謂渤泥亦產非也一說其香生結成以刀修出者爲生結沉自然脫落者爲熟沉產於下岸者謂之番沉氣哽味辣而烈能治冷氣故亦謂之藥沉海南亦產沉香其氣清而長謂之蓬萊沉

箋香

箋香乃沉香之次者氣味與沉香相類然帶木而不甚堅實故其品次於沉香而優於熟速

速暫香

生速出於真臘占城而熟速所出非一真臘爲上占城次之闍婆爲下伐樹去木而取者謂之生速樹仆於地木腐而香存者謂之熟速生速氣味長熟速氣味易焦故生者爲上熟者次之熟速之次者謂之暫香其所產之高下與熟速同但脫者謂之熟速而木之半存者謂之暫香半生熟商人以刀剝其木而出其香擇其上者雜於熟速而貨之市者亦莫之辯

黃熟香

黃熟香諸番皆出而真臘爲上其香黃而熟故名若皮堅而中腐者其形如桶謂之黃熟桶其夾箋而通

品
黑者其氣尤勝謂之夾箋黃熟夾箋者通香之上

生香

生香出占城真臘海南諸處皆有之其直下者乃斫倒香株之未老者若香已生在木內則謂之生香結皮三分爲暫香五分爲速香七八分爲箋香十分卽爲沉香也

檀香

檀香出闍婆之打綱底勿二國三佛齊亦有之其樹如中國之荔枝其葉亦然土人斫而陰乾氣清勁而

易泄熱之能奪衆香色黃者謂之黃檀紫者謂之紫檀輕而脆者謂之沙檀氣味大率相類樹之老者其皮薄其香滿此上品也次則有七八分香者其下者謂之點星香爲兩滴漏者謂之破漏香其根謂之香頭

丁香

丁香出大食闍婆諸國其狀似丁字因以名之能辟口氣郎官咀以奏事其大者謂之丁香母丁香子即丁香也或曰雞舌香十年棗實也

荳蔻

肉荳蔻出黃麻駐牛嶺等深番樹如中國之栢高至十丈枝幹條枚蕃衍敷廣蔽四五十人春季花開採而曬乾今荳蔻花是也其實如榧子去其殼取其肉以灰藏之可以耐久按草本其性温

降真香

降真香出三佛齊闍婆蓬豐廣東西諸郡亦有之氣勁而遠能辟邪氣泉人歲除家無貧富皆爇之如燔柴然其直甚廉以三佛齊者爲上以其氣味清遠也一名曰紫藤香

麝香木

麝香木出占城真臘樹老仆湮沒於土而腐以熟脫者爲上其氣依稀似麝故謂之麝香若伐生木取之則氣勁而惡是爲下品泉人多以爲器用如花梨木之類

波羅蜜

波羅蜜大如東瓜外膚礪砢如佛髻生青熟黃削其膚食之味極甘其樹如榕其花叢生花褪結子惟一成實餘各蕪死出蘇吉丹廣州南海廟亦有之

檳榔

檳榔產諸番國及海南四州交趾亦有之木如棕櫚

結子葉間如柳條顛顛叢綴其上春取之爲軟檳榔俗號檳榔鮮極可口夏秋採而乾之爲米檳榔漬之以鹽爲鹽檳榔小而尖者爲雞心檳榔大而區者爲大腹子食之可以下氣三佛齊取其汁爲酒商舶與販泉廣稅務歲收數萬緡惟海南最多鮮檳榔鹽檳榔皆出海南鷄心大腹子多出麻逸

椰子

椰子木身葉悉類棕櫚檳榔之屬子生葉間一穗數丈大如五升器菓之大者惟此與波羅蜜耳初採皮甚青嫩已而變黃久則枯乾皮中子殼可爲器子中

穰白如玉味美如牛乳穰中酒新者極清芳久則渾濁不堪飲南毗諸國取其樹花汁用蜜糖和之爲酒

沒石子

沒石子出大食勿廝離其樹如樟歲一開花結實如中國之茅栗名曰沙沒律亦名蒲蘆可採食之次年再生名曰麻茶麻茶沒石子也明年又生沙沒律間歲方生沒石子所以貴售一根而異產亦可怪也

烏楠子

烏楠子似棕櫚青綠聳直高十餘丈蔭綠茂盛其木堅實如鐵可爲器用光澤如漆世以爲珍木

蘇木

蘇木出真臘國樹如松柏葉如冬青山谷郊野在在有之聽民採取去皮曬乾其色紅赤可染緋紫俗號曰窰木

吉貝

吉貝樹類小桑葇類芙蓉絮長半寸許宛如鵝毳有子數十南人取其葇絮以鐵筋碾去其子卽以手握葇就紡不煩緝績以之爲布最堅厚者謂之兜羅綿次曰番布次曰木棉又次曰吉布或染以雜色異紋炳然幅有闊至五六尺者

柳心簾

柳心簾出丹戎武囉番商運至三佛齊凌牙門及闍婆貿易又出三嶼蒲嘿嚙山產草其狀似藤長丈餘紋縷端膩無節目名曰柳心草番之婦女採而絲破織以為簾或用色染紅黑相間者曰花簾冬溫而夏涼便於出入以三佛齊者為上三嶼者最為下

木香

木香出大食麻囉抹國施曷奴發亦有之樹如中國絲瓜冬月取其根剉長一二寸曬乾以狀如鷄骨者為上

白荳蔻

白荳蔻出真臘闍婆等番惟真臘最多樹如絲瓜實如葡萄蔓衍山谷春花夏實聽民從便採取

胡椒

胡椒出闍婆之蘇吉丹打板白花園麻東戎牙路以新施者為上打板者次之胡椒生於郊野村落間亦有界闕中國之葡萄土人以竹木為棚闕開花四月結實花如鳳尾其色青紫五月收採曬乾藏之倉廩次歲方發出以牛車運載博易其實不禁日而耐雨旱則所入者寡潦則所入倍常或曰南毗無離拔國至多番商之販於闍

諸蕃志
婆來自無
離拔也

菓澄茄

菓澄茄樹藤蔓衍春花夏實類牽牛子花白而實黑
曬乾入包出闍婆之蘇吉丹

阿魏

阿魏出大食木俱蘭國其樹不甚高大脂多流溢土
人以繩束其稍去其尾納以竹筒脂滿其中冬月破
筒取脂以皮袋收之或曰其脂最毒人不敢近每採
魏時繫羊於樹下自遠射之脂之毒着於羊羊斃卽
以羊之腐爲阿魏未知孰是始兩存之

蘆薈

蘆薈出大食奴發國草屬也其狀如鬣尾土人採而
以玉器搗研之煨而成膏置諸皮袋中名曰蘆薈

珊瑚樹

珊瑚樹出大食毗喏耶國樹生於海之至深處初生
色白漸漸長苗拆甲歷一歲許色間變黃支格交錯
高極三四尺大者圍尺土人以絲繩繫五爪鐵猫兒
用烏鉛爲墜拋擲海中發其根以索繫於舟上絞車
搭起不能常有驀得一枝肌理敷膩見風則乾硬變
爲乾紅色以最高者爲貴若失時不舉則致蠹敗

琉璃

琉璃出大食諸國燒煉之法與中國同其法用鉛碓石膏燒成大食則添入南鵬砂故滋潤不烈最耐寒暑宿水不壞以此貴重於中國

貓兒睛

貓兒睛狀如母指大卽小石也瑩潔明透如貓兒眼故名出南毗國國有江曰淡水江諸流匝匯深山碎石爲暴雨溯流悉萃於此官以小舸漉取其圓瑩者卽貓兒睛也或曰有星照其地秀氣鍾結而成

珠子

真珠出大食國之海島上又出西難監篋二國廣西湖北亦有之但不若大食監篋之明淨耳每採珠用船三四十隻船數十人其採珠人以麻繩繫身以黃蠟塞耳鼻入水約二三十餘丈繩纏於船上繩搖動則引而上先煮蠶衲極熱出水則急覆之不然寒慄致死或遇大魚蛟鼉諸海恠鬣所觸往往潰腹折支人見血一縷浮水面則知已葬魚腹嘗有採珠者繩動而引之不上衆極力舉之足已爲蛟鼉所斷矣所採者曰珠母番有官監視隨其所採籍其名掘地爲坎置諸坎中月餘珠母殼腐取珠淘淨與採珠者

均之珠六率以圓潔明淨者爲上圓者置諸盤中終日不停番商多置夾襦內及傘柄中規免抽解

碑磔

碑磔出交趾國狀似大蚌沿海人磨治其殼因其形爲荷葉杯膚理瑩潔如珂玉其最大者琢其根抵爲杯有厚三寸者脫落碎瑣猶爲環珮諸玩物按佛書以此爲至寶今乃海錯耳未審是古碑磔否

象牙

象牙出大食諸國及真臘占城二國以大食者爲上真臘占城者爲下大食諸國惟麻囉抹最多象生於

深山窮谷中時出野外蹂踐人莫敢近獵者用神勁弓以藥箭射之象負箭而遁未及一二里許藥發卽斃獵者隨斃取其牙埋諸土中積至十餘株方搬至大食以舟運載與三佛齊日囉亭交易大者重五十斤至百斤其株端直其色潔白其紋細擗者大食出也真臘占城所產株小色紅重不過十數斤至二三十斤又有牙尖止可作小香疊用或曰象媒誘致恐此乃馴象也

犀角

犀狀如黃牛只有一角皮黑毛稀舌如栗殼其性熱

悍其走如飛專食竹木等刺人不敢近獵人以硬箭
自遠射之遂取其角謂之生角或有自斃者謂之倒
山角角之紋如泡以白多黑少者爲上

膾膾膾

膾膾膾出大食伽力吉國其形如猓脚高如犬其色
或紅或黑其走如飛獵者張網於海濱捕之取其腎
而漬以油名膾膾膾番惟渤泥最多

翠毛

翠毛眞臘最多產於深山澤間巢於水次一壑之水
止一雌雄外有一焉必出而死鬪人用其機飼媒擊

諸左手以行巢中者見之就手格鬪不復知有人也
右手卽以羅掩之無能脫者邕州古江亦產一種茸
翠其背毛悉是翠茸窮侈者多以燃織如毛段然比
年官雖厲禁貴人家服用不廢故番商冒法販鬻多
眞布襦袴中

鸚鵡

鸚鵡產占城有五色唐太宗時環王所獻是也案傳
謂能訴寒有詔還之環王國卽占城也欽州有白鸚
鵡紅鸚鵡大如小娥羽毛有粉如蝴蝶翅謂之白鸚
鵡其色正紅尾如烏鳶之尾謂之紅鸚鵡

龍涎

龍涎大食西海多龍枕石一唾涎沫浮水積而能堅
鯨人採之以爲至寶新者色白稍久則紫甚久則黑
不薰不猶似浮石而輕也人云龍涎有異香或云龍
涎氣腥能發衆香皆非也龍涎於香本無損益但能
聚煙耳和香而真用龍涎焚之一縷翠煙浮空結而
不散座客可用一剪分煙縷此其所以然者蜃氣樓
臺之餘烈也

瑇瑁

瑇瑁形似龜鼈背甲十三片黑白斑紋間錯邊欄缺

齧如鋸無足而有四鬣前長後短以鬣掉水而行鬣
與首斑文如甲老者甲厚而黑白分明少者甲薄而
花字模糊世傳鞭血成斑妄也漁者以秋間月夜採
捕肉亦可喫出渤泥三嶼蒲嘿嚕閣婆諸國

黃蠟

黃蠟出三嶼麻逸真臘三佛齊策國蜂生於深山窮
谷中或窠老樹或窠芭蕉樹或窠巖穴較諸中國之
蜂差大而黑番民以皮鞞軀先用惡草作煙迫逐羣
蜂飛散隨取其窠擠去蜜其滓卽蠟也鎔範成礪或
雜灰粉鹽石以三佛齊者爲上真臘次之三嶼麻逸

蒲嘿嚕爲下

海南

海南漢朱崖儋耳也武帝平南粵遣使自徐聞

今雷州徐

縣聞渡海略地置朱崖儋耳二郡昭帝省儋耳併爲朱

崖郡元帝從賈捐之議罷朱崖至梁隋復置唐貞觀

元年析爲崖儋振三州隸嶺南道五年分崖之瓊山

置郡陞萬安縣爲州今萬安軍是也儋振則今之吉

陽昌化軍是也貞元五年以瓊爲督府今因之徐聞

有遮角場與瓊對峙相去約三百六十餘里順風半

日可濟中流號三合溜涉此無風濤則舟人舉手相

賀至吉陽廼海之極亡復陸塗外有洲曰烏里曰蘇

吉浪南對占城西望真臘東則千里長沙萬里石床

渺茫無際天水一色舟舶來往惟以指南針爲則晝

夜守視唯謹毫釐之差生死繫焉四郡凡十一縣悉

隸廣南西路環拱黎母山黎獠蟠踞其中有生黎熟

黎之別地多荒田所種秔稌不足於食乃以藷

時諸切芋雜米作粥糜以取飽故俗以貿香爲業土產沉

香蓬萊香鷓鴣斑香箋香丁香檳榔椰子吉貝

苧麻楮皮赤白藤花縵黎幙青桂木花梨木海梅脂

瓊枝菜海漆萼撥高良薑魚鰾黃蠟石蠟之屬其貨

諸蕃志

卷下

七

多出於黎峒省民以鹽鐵魚米轉博與商賈貿易泉
舶以酒米麩粉紗絹漆器瓷器等爲貨歲杪或正月
發舟五六月間回舶若載鮮檳榔攬先則四月至
瓊州在黎母山之東北郡治卽古崖州也政和間陞
爲節鎮以靖海軍爲額瀕海少山秋霖春旱夏不極
熱冬不甚寒多颶風常以五六月發有暈如虹者謂
之颶母按隋志謂人性輕悍椎髻卉裳刻木爲符力
穡朴野父子別業豪黠共鑄銅爲大鼓初成懸於庭
鳴鼓以招同類至者如雲羣情趨服者號爲都老人
着紬緬以土爲釜瓠匏爲器無麩葉以安石榴花醞

釀爲酒今之上衣無異中土惟下裳男子用布縵女
子用裙以紡具爲生土釜至今用之瓠瓢間以鄰水
酒用薯糧以變色雖無富民而俗尚儉約故無惇獨
凶年不見勾者丁晉公嘗貶爲州司戶教民讀書著
文慶歷間宋候貫之創郡庠嘉定庚午趙侯汝厦新
之祠東坡蘇公澹庵胡公於講堂之東西偏扁其堂
曰明道海口有漢兩伏波廟路博德馬援祠也過海
者必禱於是得環玦之吉而後敢濟屬邑五瓊山澄
邁臨高文昌樂會皆有市舶於舶舟之中分三等上
等爲舶中等爲包頭下等名蜚船至則津務申州差

官打量丈尺有經冊以格稅錢本州官吏兵卒仰此以贍西二百三十六里抵昌化軍治

昌化在黎母山之西北卽古儋州也子城高一丈四尺周迴二百二十步舊經以爲儋耳夫人軀鬼工供畚鍤一夕而就或謂土人耳長至肩故有儋耳之號今昌化卽無大耳兒蓋黎俗慕佛以大鑲墜耳俾下垂至肩故也地無烟瘴水潦之患氣候與中州異羣花皆早發至春時已盡獨荷花自四五月開至窮臘與梅菊相接俗尚淳朴儉約婦人不曳羅綺不施粉黛婚姻喪祭皆循典禮無饑寒之民學在東南隅後

遷于西紹興間復遷于城東參政李公光爲之記去州十五里地名蚤塲忠簡趙公鼎謫吉陽嘗過斯地盛暑苦旱井水永枯竭鑿井不數尺得泉至今不涸號曰相泉又有曰馬井泉味甘美商舶回日汲載以供日用靈濟廟在鎮安門內卽儋耳夫人祠也紹興間封顯應夫人海外黎峒多竊發惟儋獨全夫人之力也城西五十餘里一石峯在海洲巨浸之間形類獅子俗呼獅子神實貞利侯廟商舶祈風于是屬邑三曰宜倫曰昌化曰感恩南三百四十里抵吉陽軍界吉陽軍在黎母山之西南郡治州吉陽縣基也瓊管

雖有陸路可通然隔越生黎必峒再涉海而後至胡澹庵謂再涉鯨波險是也郡治之南有海口驛商人艤舟其下前有小亭爲迎送之所地狹民稀氣候不正春常苦旱涉夏方雨耕種不糞不耘樵牧漁獵與黎獠錯雜出入必持弓矢婦人不事蠶桑惟織吉貝花被縵布黎幕男子不喜營運家無宿儲俗尙鬼不事醫藥病則宰牲牲動鼓樂以祀謂之作福禁人造門喪祭亦皆用樂地多崇岡峻嶺峯巒秀拔故郡之士人間有能自立者學在郡城之東北去城十三里石面平如堂非磨琢之工所能爲周圍數丈可坐

十客林木茂密澗水甘冽周侯創結茅亭其上扁曰清賞孰黎峒落稀少距城五七里許外卽生黎所居不啻數百峒時有侵擾之害周侯遣孰黎峒首諭之約定寅酉二日爲虛市率皆肩擔背負或乘桴而來與民貿易黎人和悅民獲安息領吉陽寧遠二縣政和間併爲寧遠一縣東一百二十里抵萬安軍界萬安軍在黎母山之東南唐貞觀五年置萬安州領縣三曰萬安富雲博遼天寶初更州爲郡至德二載更爲萬全乾元初復爲州皇朝省富雲博遼二縣更萬安縣曰萬寧熙寧六年更爲軍析萬寧爲陵水今

萬寧陵水是也民與黎羗雜居其俗質野而畏法不喜爲盜牛羊被野無敢冒認居多茅竹瓦屋絕少婦媪以織貝爲業不事文繡病不服藥信尚巫鬼殺牲而祭以祈福佑黃侯申首創藥局人稍知服藥之利城東有航主都綱廟人敬信禱卜立應舶舟往來祭而後行三郡士子當歲大比皆附試于瓊管

黎海南四郡島上蠻也島有黎母山因祥光夜見旁照四郡按晉書分野屬婺女分謂黎牛婺女星降現故名曰黎婺音訛爲黎母諸蠻環處其山峻極常在霧靄中黎人自鮮識之秋朗氣清時見翠尖浮插半

空山有水泉湧流派而爲五一入昌化一入吉陽一入萬安一入瓊州一流爲大溪右灘三十六至長寮村屬澄邁縣一流爲小溪有灘二十四至硃蓮村屬樂會縣二水合流爲三合水屬瓊山縣去省地遠者爲生黎近者爲熟黎各以所邇隸於四軍州黎之峒落日以繁滋不知其幾千百也咸無統屬峒自爲雄長止於王符張李數姓同姓爲婚省民之負罪者多逋逃歸之其人椎髻跣足插銀銅錫釵婦人加銅環耳墜垂肩女及笄卽黥頰爲細花紋謂之繡面女旣黥集親客相賀慶惟婢獲則不繡面女工紡織得中

土綺綵拆取色絲加木棉挑織爲單幕又純織木棉
吉貝爲布祭神以牛犬雞彘多至百牲無鹽鐵魚蝦
以沉香縵布木棉麻皮等就省地博易得錢無所用
也屋宇以竹爲棚下居牧蓄人處其上男子常帶長
靴刀長鞘 弓跬步不離喜讐殺謂之捉拗其親爲
人所殺後見仇家人及其峒中種類卽擒取而械之
械用荔枝木長六尺許其狀如確要牛酒銀餅乃釋
謂之贖命議婚姻折箭爲質聚會椎鼓舞歌死必殺
牛以祭土產沉水蓬萊諸香爲香譜第一漫山悉植
椰子樹小馬翠羽黃蠟之屬閩商值風飄蕩貨貨

陷沒多人黎地耕種之歸官吏及省民經由村峒必
舍其家恃以爲安熟黎之外海南四州軍鎮其四隅
地方千里路如連環欲歷其地非一月不可遍馬伏
波之平海南也命陶者作缶器大者盛水數石小者
盛五斗至二三斗者招到深峒歸降人卽以遺之任
意選擇以測其巢穴之險夷黎人止取二三斗之小
者詰之云來時皆懸崖緣木而下不取大者恐將歸
不得以是知其峒穴深而險峻不可入四郡之人多
黎姓蓋其裔族而今黎人乃多姓王淳熙元年五指
山生黎洞首王仲期率其傍八十洞丁口千八百二

十歸化仲期與諸洞首王仲文等八十一人詣瓊管
公參就顯應廟研石歃血約誓改過不復抄掠犒賜
遣歸瓊守圖其形狀衣裘上經畧司髻露者以絳帛
約髻根或以彩帛包髻或戴小花笠皆簪二銀篦亦
有着短織花裙者惟王仲期青巾紅錦袍束帶自云
祖父宣和中嘗納土補官賜錦袍云

物貨

海南土產諸番皆有之顧有優劣耳箋沉等香味清
且長夏出諸番之右雖占城真臘亦居其次黃臘則
迥不及三佛齊較之三嶼抑又劣焉其餘物貨多與

諸番同惟檳榔吉貝獨盛泉商興販大率仰此

諸蕃志卷下畢

省心襍言原敘

夫入德之門莫大乎知知斯能至知而不至者有矣
未有不知而能至者也是以教雖多術一言以蔽之
曰知故有志于天下國家者亦以致知爲本寓直敷
文閣領天台祠事河內李公知而至者也昔獲見之
于夔峽今三十年公日以通顯分符將指歷官中外
至八易使節凡可以利民爲國有知必爲嘗因將漕
帝畿數被召對竭忠以告上省費以紓民力行所知
不少遜避故于仕已而無喜慍俯仰而無愧怍然以
是受知于君亦以是取異于世其表著于時者如是

有松楸在巴蜀將歸過九江以省心襍言一編相示
皆平昔銘諸座右者曰每患知之弗至有得于心輒
榜之壁以自警兒輩錄而藏之積之久至如此雖然
其敢示他人哉姑欲付子孫以見吾志云耳于時者
之所自也其多至數十百章旁見襍出從容中道無
所不用其極非明于憂患與故知至而至之者不能
如已試之醫方以儲之實聚盍廣其施俾人得而知
誠意正心推之以及于天下國家是乃竭盡所知報
上化俗之一端而亦公所當任也紹興庚辰八月初
吉廬阜老圃祁寬謹序

省心書
有松楸在巴蜀將歸過九江以省心箴言一編相示
皆平昔銘諸座右者曰每患知之弗至有得于心輒
榜之壁以自警兒輩錄而藏之積之久至如此雖然
其敢示他人哉姑欲付子孫以見吾志云耳于時者
之所自也其多至數十百章旁見碟出從容中道無
所不用其極非明于憂患與故知至而至之者不能
如已試之醫方以儲之實聚盍廣其施俾人得而知
誠意正心推之以及于天下國家是乃竭盡所知報
上化俗之一端而亦公所當任也紹興庚辰八月初
吉廬阜老圃祁寬謹序

